



毛詩正文

2 3 4 県立耐久高校所蔵 梧陵文庫 資料番号 和30-2-220-1 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2

毛詩正文中

山子國讀

若山 田 弼
笠間 松 胤
東都 久保謙

同校
重訂

小雅

鹿鳴之什第十六

鹿鳴。燕羣臣嘉賓也。既飲食之。又實幣帛。篚筐以將其厚意。然後忠臣嘉賓得盡其

心矣。

呦呦鹿鳴。食野之苹。我有嘉賓。鼓瑟吹笙。吹笙鼓簧。承筐是將。人之好我。示我周行。呦

詩三十一 佳

呦鹿鳴食野之蒿我有嘉賓德音孔昭視民
不忮君子是則是傲我有旨酒嘉賓式燕以
敖○呦呦鹿鳴食野之芩我有嘉賓鼓瑟鼓
琴鼓瑟鼓琴和樂且湛我有旨酒以燕樂嘉
賓之心

鹿鳴三章

四牡勞使臣之來也有功而見知則說矣
四牡駢駢周道倭遲豈不懷歸王事靡盬我
心傷悲○四牡駢駢嘽嘽駟馬豈不懷歸王
事靡盬不遑啓處○翩翩者騅載飛載下集

于苞栩王事靡盬不遑將父○翩翩者騅載
飛載止集于苞杞王事靡盬不遑將母○駕
彼四駟載驟駉駉豈不懷歸是用作歌將母
來諗

四牡五章

皇皇者華君遣使臣也送之以禮樂言遠
而有光華也
皇皇者華于彼原隰駉駉征夫每懷靡及○
我馬維駒六轡如濡載馳載驅周爰咨諏○
我馬維騏六轡如絲載馳載驅周爰咨謀○

我馬維駟六轡沃若載馳載驅周爰咨度
我馬維駒六轡既均載馳載驅周爰咨詢

皇皇者華五章

常棣燕兄弟也閔管蔡之失道故作常棣
焉

常棣之華鄂不韡韡凡今之人莫如兄弟
死喪之威兄弟孔懷原隰裒矣兄弟求矣
脊令在原兄弟急難每有良朋況也永歎
兄弟鬩于牆外禦其務每有良朋烝也無戎
○喪亂既平既安且寧雖有兄弟不如友生

○儻爾邊豆飲酒之飫兄弟既具和樂且孺
○妻子好合如鼓瑟琴兄弟既翕和樂且湛
○宜爾室家樂爾妻帑是究是圖亶其然乎

常棣八章

伐木燕朋友故舊也自天子至于庶人未
有不須友以成者親親以睦友賢不棄不
遺故舊則民德歸厚矣

伐木丁丁鳥鳴嚶嚶出自幽谷遷于喬木嚶
其鳴矣求其友聲相彼鳥矣猶求友聲矧伊
人矣不求友生神之聽之終和且平○伐木

丁佐嘉

許許釃酒有藪既有肥羜以速諸父寧適不
來微我弗顧於粢酒埽陳饋八簋既有肥牡
以速諸舅寧適不來微我有咎○伐木于阪
釃酒有行籩豆有踐兄弟無遠民之失德乾
餱以愆有酒滑我無酒醕我坎坎鼓我踴踴
舞我迨我暇矣飲此滑矣

伐木三章

天保下報上也君能下下以成其政臣能
歸美以報其上焉

天保定爾亦孔之固俾爾單厚何福不除俾

爾多益以莫不庶○天保定爾俾爾戩穀聲
無不宜受天百祿降爾遐福維日不足○天
保定爾以莫不興如山如阜如岡如陵如川
之方至以莫不增○吉蠲為饎是用孝享禴
祠烝嘗于公先王君曰卜爾萬壽無疆○神
之弔矣詒爾多福民之質矣日用飲食群黎
百姓遍為爾德○如月之恒如日之升如南
山之壽不騫不崩如松柏之茂無不爾或承

天保六章

采薇遣戍役也文王之時西有昆夷之患

北有獫狁之難。以天子之命。命將率遣戍。役以守衛中國。故歌采薇以遣之。出車以勞還。杖杜以勤歸也。

采薇采薇薇亦作止。曰歸曰歸。歲亦莫止。靡室靡家。玁狁之故。不遑啓居。玁狁之故。采采薇薇亦柔止。曰歸曰歸。心亦憂止。憂心烈烈。載飢載渴。我戍未定。靡使歸聘。采薇薇亦剛止。曰歸曰歸。歲亦陽止。王事靡盬。不遑啓處。憂心孔疚。我行不來。彼爾維何。維常之華。彼路斯何。君子之車。戎車既駕。

四牡業業。豈敢定居。一月三捷。駕彼四牡。四牡騤騤。君子所依。小人所腓。四牡翼翼。象弭魚服。豈不日戒。玁狁孔棘。昔我往矣。楊柳依依。今我來思。雨雪霏霏。行道遲遲。載渴載飢。我心傷悲。莫知我哀。

采薇六章

出車勞還率也

我出我車。于彼牧矣。自天子所謂。我來矣。召彼僕夫。謂之載矣。王事多難。維其棘矣。我出我車。于彼郊矣。設此旆矣。建彼旄矣。彼旃。

旄斯胡不旆旆憂心悄悄僕夫況瘁○王命
南仲往城于方出車彭彭旂旄央央天子命
我城彼朔方赫赫南仲獫狁于襄○昔我往
矣黍稷方華今我來思雨雪載塗王事多難
不遑啓居豈不懷歸畏此簡書○嗚嗚卬蟲
趨趨早螽未見君子憂心忡忡既見君子我
心則降赫赫南仲薄伐西戎○春日遲遲卉
木萋萋倉庚喈喈采芣苢執訊獲醜薄言
還歸赫赫南仲獫狁于夷

出車六章

扶杜勞還役也

有扶之杜有皖其實王事靡盬繼嗣我日日
月陽止女心傷止征夫遑止○有扶之杜其
葉萋萋王事靡盬我心傷悲卉木萋止女心
悲止征夫歸止○陟彼北山言采其杞王事
靡盬憂我父母檀車幘幘四牡痠瘁征夫不
遠○匪載匪來憂心孔疚期逝不至而多為
恤卜筮僭止會言近止征夫邇止

扶杜四章

魚麗美萬物盛多能備禮也文武以天保

以上治內以采薇以下治外始於憂勤終於逸樂故美萬物盛多可以告於神明矣
魚麗于罭鱔鯉君子有酒旨且多○魚麗于罭魴鱧君子有酒多且旨○魚麗于罭鯉鯉君子有酒旨且有○物其多矣維其嘉矣○物其旨矣維其偕矣○物其有矣維其時矣

魚麗六章

南陔孝子相戒以養也○白華孝子之絜白也○華黍時和歲豐宜黍稷也有其義而止其辭

鹿鳴之什十篇五十五章

南有嘉魚之什第十七

南有嘉魚樂與賢也太平之君子至誠樂與賢者共之也

南有嘉魚烝然罩罩君子有酒嘉賓式燕以樂○南有嘉魚烝然汕汕君子有酒嘉賓式燕以衍○南有樛木甘瓠纍之君子有酒嘉賓式燕綏之○翩翩者雛烝然來思君子有酒嘉賓式燕又思

南有嘉魚四章

南山有臺樂得賢也得賢則能為邦家立
太平之基矣

南山有臺北山有萊樂只君子邦家之基樂
只君子萬壽無期○南山有桑北山有楊樂
只君子邦家之光樂只君子萬壽無疆○南
山有杞北山有李樂只君子民之父母樂只
君子德音不已○南山有栲北山有杻樂只
君子遐不眉壽樂只君子德音是茂○南山
有枸北山有棟樂只君子遐不黃耇樂只君
子保艾爾後

南山有臺五章

由庚萬物得由其道也○崇丘萬物得極
其高大也○由儀萬物之生各得其宜也
有其義而止其辭

蓼蕭澤及四海也

蓼彼蕭斯零露漙漙兮既見君子我心寫兮燕
笑語兮是以有譽處兮○蓼彼蕭斯零露漙
漙既見君子為龍為光其德不爽壽考不怨
○蓼彼蕭斯零露泥泥既見君子孔燕豈
宜宜兄弟令德壽豈○蓼彼蕭斯零露濃濃

既見君子。條革沖沖。和鸞雝雝。萬福攸同。

蓼蕭四章

湛露天子燕諸侯也

湛湛露斯。匪陽不晞。厭厭夜飲。不醉無歸。

湛湛露斯。在彼豐艸。厭厭夜飲。在宗載考。

湛湛露斯。在彼杞棘。顯允君子。莫不令德。

其桐其椅。其實離離。豈弟君子。莫不令儀。

湛露四章

彤弓天子錫有功諸侯也

彤弓召兮。受言藏之。我有嘉賓。中心貺之。鐘

鼓既設。一朝饗之。○彤弓召兮。受言載之。我

有嘉賓。中心喜之。鐘鼓既設。一朝右之。○彤

弓召兮。受言夔之。我有嘉賓。中心好之。鐘鼓

既設。一朝疇之。

彤弓三章

菁菁者莪。樂育材也。君子能長育人材。則

天下喜樂之矣。

菁菁者莪。在彼中阿。既見君子。樂且有儀。

菁菁者莪。在彼中沚。既見君子。我心則喜。

菁菁者莪。在彼中陵。既見君子。錫我百朋。

汎汎揚舟載沈載浮既見君子我心則休

菁菁者莪四章

六月宣王北伐也。鹿鳴廢則和樂缺矣。四牡廢則君臣缺矣。皇皇者華廢則忠信缺矣。常棣廢則兄弟缺矣。伐木廢則朋友缺矣。天保廢則福祿缺矣。采芾廢則征伐缺矣。出車廢則功力缺矣。杕杜廢則師衆缺矣。魚麗廢則法度缺矣。南陔廢則孝友缺矣。白華廢則廉耻缺矣。華黍廢則蓄積缺矣。由庚廢則陰陽失其道理矣。南有嘉魚

廢則賢者不安。下民不得其所矣。崇丘廢則萬物不遂矣。南山有臺廢則為國之基礎矣。由儀廢則萬物失其道理矣。蓼蕭廢則恩澤乖矣。湛露廢則萬國離矣。彤弓廢則諸夏衰矣。菁菁者莪廢則無禮儀矣。小雅盡廢則四夷交侵中國微矣。

六月棲棲戎車既飭四牡騤騤載是常服玁狁孔熾我是用急王于出征以匡王國○比物四驪閑之維則維此六月既成我服我服既成于三十里王于出征以佐天子○四牡

脩廣其大有顯薄伐玁狁以奏膚公有嚴有翼共武之服共武之服以定王國○玁狁匪茹整居焦獲侵鎬及方至于涇陽織文鳥章白旆央央元戎十乘以先啓行○戎車旣安如輕如軒四牡旣佶旣佶且閑薄伐玁狁至于大原文武吉甫萬邦爲憲○吉甫燕喜旣多受祉來歸自鎬我行永久飲御諸友包鱉膾鯉侯誰在矣張仲孝友

六月六章

采芑宣王南征也

薄言采芑于彼新田于此蓄畝方叔涖止其車三千師干之試方叔率止乘其四騏四騏翼翼路車有奭簟茀魚服鉤膺絳革○薄言采芑于彼新田于此中鄉方叔涖止其車三千旂旐央央方叔率止約軼錯衡八鸞瑒瑒服其命服朱芾斯皇有瑒葱珩○馱彼飛隼其飛戾天亦集爰止方叔涖止其車三千師干之試方叔率止鉦人伐鼓陳師鞠旅顯允方叔伐鼓淵淵振旅闐闐○蠢爾蠻荆大邦爲讎方叔元老克壯其猶方叔率止執訊獲

醜戎車嘽嘽嘽嘽焯焯如霆如雷顯允方叔
征伐玁狁蠻荆來威

采芑四章

車攻宜王復古也宜王能內修政事外攘
夷狄復文武之竟土脩車馬備器械復會
諸侯於東都因田獵而選車徒焉

我車既攻我馬既同四牡龐龐駕言徂東○
田車既好四牡孔阜東有甫艸駕言行狩○
之子于苗選徒囂囂建旒設旄搏獸于敖○
駕彼四牡四牡奕奕赤芾金舄會同有繹○

決拾既飲弓矢既調射夫既同助我舉柴○
四黃既駕兩驂不猗不失其馳舍矢如破○
蕭蕭馬鳴悠悠旆旌徒御不驚大庖不盈○
之子于征有聞無聲允矣君子展也大成○

車攻八章

吉日美宜王田也能慎微接下無不自盡
以奉其上焉

吉日維戊既伯既禱田車既好四牡孔阜升
彼大阜從其羣醜○吉日庚午既差我馬獸
之所同麇鹿麇麇漆沮之從天子之所○瞻

彼中原其邪孔有儻儻俟俟或羣或友悉率
左右以燕天子○既張我弓既挾我矢發彼
小豨殪此大兕以御賓客且以酌醴

吉日四章

南有嘉魚之什十篇四十六章

鴻鴈之什第十八

鴻鴈美宣王也萬民離散不安其居而能
勞來還定安集之至于矜寡無不得其所
焉

鴻鴈于飛肅肅其羽之子于征劬勞于野爰

及矜人哀此鰥寡○鴻鴈于飛集于中澤之
子于垣百堵皆作雖則劬勞其究安宅○鴻
鴈于飛哀鳴嗷嗷維此哲人謂我劬勞維彼
愚人謂我宣驕

鴻鴈三章

庭燎美宣王也因以箴之

夜如何其夜未央庭燎之光君子至止鸞聲
將將○夜如何其夜未艾庭燎晰晰君子至
止鸞聲噉噉○夜如何其夜鄉晨庭燎有輝
君子至止言觀其旂

庭燎三章

沔水規宣王也

沔彼流水朝宗于海。駛彼飛隼載飛載止。嗟我兄弟邦人諸友莫肯念亂誰無父母。○沔彼流水其流湯湯。駛彼飛隼載飛載揚。念彼不蹟載起載行。心之憂矣不可弭忘。○駛彼飛隼率彼中陵。民之訛言寧莫之懲。我友敬矣讒言其興。

沔水三章

鶴鳴誨宣王也

鶴鳴于九臯聲聞于野。魚潛于淵或在於渚。樂彼之園爰有樹檀其下維葍。佗山之石可以為錯。○鶴鳴于九臯聲聞于天。魚在於渚或潛于淵。樂彼之園爰有樹檀其下維穀。佗山之石可以攻玉。

鶴鳴二章

祈父刺宣王也

祈父予王之爪牙。胡轉予于恤靡所止居。○祈父予王之爪士。胡轉予于恤靡所底止。○祈父亶不聰。胡轉予于恤有母之尸饔。

祈父三章

白駒大夫刺宣王也

皎皎白駒食我場苗繫之維之以永今朝所謂伊人於焉逍遙○皎皎白駒食我場藿繫之維之以永今夕所謂伊人於焉嘉客○皎皎白駒賁然來思爾公爾侯逸豫無期慎爾優游勉爾道思○皎皎白駒在彼空谷生芻一束其人如玉母金玉爾音而有遐心

白駒四章

黃鳥刺宣王也

黃鳥黃鳥無集于穀無啄我粟此邦之人不我肯穀言旋言歸復我邦族○黃鳥黃鳥無集于桑無啄我梁此邦之人不可與明言旋言歸復我諸兄○黃鳥黃鳥無集于樹無啄我黍此邦之人不可與處言旋言歸復我諸父

黃鳥三章

我行其野刺宣王也

我行其野蔽芾其樗昏姻之故言就爾居爾不我畜復我邦家○我行其野言采其蓬昏

姻之故言就爾宿爾不我畜言歸斯復○我行其野言采其菑不思舊姻求爾新特成不以富亦祇以異

我行其野三章

斯干宣王考室也

秩秩斯干幽幽南山如竹苞矣如松茂矣兄及弟矣式相好矣無相猶矣○似續妣祖築室百堵西南其戶爰居爰處爰笑爰語○約之閣閣椽之橐橐風雨攸除鳥鼠攸去君子攸芋○如跂斯翼如矢斯棘如鳥斯革如翬

斯飛君子攸躋○殖殖其庭有覺其楹噲噲其正噦噦其冥君子攸寧○下莞上簟乃安斯寢乃寢乃興乃占我夢吉夢維何維熊維羆維虺維蛇○大人占之維熊維羆男子之祥維虺維蛇女子之祥○乃生男子載寢之牀載衣之裳載弄之璋其泣嗶嗶朱芾斯皇室家君王○乃生女子載寢之地載衣之裼載弄之瓦無非無儀唯酒食是議無父母詒罹

斯干九章

姻之故言就爾宿爾不我畜言歸斯復○我行其野言采其菑不思舊姻求爾新特成不以富亦祇以異

我行其野三章

斯干宣王考室也

秩秩斯干幽幽南山如竹苞矣如松茂矣兄及弟矣式相好矣無相猶矣○似續妣祖築室百堵西南其戶爰居爰處爰笑爰語○約之閣閣椽之橐橐風雨攸除鳥鼠攸去君子攸芋○如跂斯翼如矢斯棘如鳥斯革如翬

斯飛君子攸躋○殖殖其庭有覺其楹噲噲其正噦噦其冥君子攸寧○下莞上簟乃安斯寢乃寢乃興乃占我夢吉夢維何維熊維羆維虺維蛇○大人占之維熊維羆男子之祥維虺維蛇女子之祥○乃生男子載寢之牀載衣之裳載弄之璋其泣喤喤朱芾斯皇室家君王○乃生女子載寢之地載衣之裼載弄之瓦無非無儀唯酒食是議無父母詒

斯干九章

詩三

卷一

無羊宜王考牧也

誰謂爾無羊。三百維羣。誰謂爾無牛。九十其
 稔。爾羊來思。其角濺濺。爾牛來思。其耳濕濕。
 ○或降于阿。或飲于池。或寢或訛。爾牧來思。
 何蓑何笠。或負其餼。三十維物。爾牲則具。○
 爾牧來思。以薪以蒸。以雌以雄。爾羊來思。矜
 矜兢兢。不騫不崩。麾之以肱。畢來既升。○牧
 人乃夢。衆維魚矣。旒維旗矣。大人占之。衆維
 魚矣。實維豐年。旒維旗矣。室家溱溱。

無羊四章

鴻鴈之什十篇三十二章

節南山之什第十九

節南山家父刺幽王也

節彼南山。維石巖巖。赫赫師尹。民具爾瞻。憂
 心如惓。不敢戲談。國既卒斬。何用不監。○節
 彼南山。有實其猗。赫赫師尹。不平謂何。天方
 薦瘥。喪亂弘多。民言無嘉。憯莫懲嗟。○尹氏
 大師。維周之氏。秉國之均。四方是維。天子是
 毗。俾民不迷。不弔昊天。不宜空我師。○弗躬
 弗親。庶民弗信。弗問弗仕。勿罔君子。式夷式

節南山

節南山

已無小人殆。瑣瑣姻亞，則無臚仕。昊天不
 備，降此鞠訕。昊天不惠，降此大戾。君子如屈
 俾，民心闕。君子如夷，惡怒是違。不弔，昊天。
 亂靡有定。式用斯生，俾民不寧。憂心如醒，誰
 秉國成。不自為政，卒勞百姓。駕彼四牡，四
 牡項領。我瞻四方，蹙蹙靡所騁。方茂爾惡，
 相爾矛矣。既夷既懌，如相疇矣。昊天不平，
 我王不寧。不懲其心，覆怨其正。家父作誦，
 以究王訕。式訛爾心，以畜萬邦。

節南山十章

正月大夫刺幽王也

正月繁霜，我心憂傷。民之訛言，亦孔之將。念
 我獨兮，憂心京京。哀我小心，癡憂以瘁。父
 母生我，胡俾我。燕不自我，先不自我。後好言
 自口，莠言自口。憂心愈愈，是以有悔。憂心
 惓惓，念我無祿。民之無辜，并其臣僕。哀我人
 斯，于何從祿。瞻烏爰止，于誰之屋。瞻彼中
 林，侯薪侯蒸。民今方殆，視天夢夢。既克有定，
 靡人弗勝。有皇上帝，伊誰云憎。謂山蓋卑，
 為岡為陵。民之訛言，寧莫之懲。召彼故老，訊

之台夢具曰予聖誰知烏之雌雄○謂天蓋
高不敢不局謂地蓋厚不敢不踏維號斯言
有倫有脊衷今之人胡為虺蜴○瞻彼阪田
有苑其特天之抗我如不我克彼求我則如
不我得執我仇仇亦不我加○心之憂矣如
或結之今茲之正胡然厲矣燎之方揚寧或
滅之赫赫宗周褒姒威之○終其永懷又窘
陰雨其車既載乃棄爾輔載輸爾載將伯助
予○無棄爾輔員于爾輻屢顧爾僕不輸爾
載終踰絕險曾是不意○魚在于沼亦匪克

樂潛雖伏矣亦孔之烱憂心慘慘念國之為
虐○彼有旨酒又有嘉穀洽比其隣昏姻孔
云念我獨兮憂心殷殷○此彼有屋蔭蔭
方有穀民今之無祿天夭是極哥矣富人哀
此惇獨

正月十三章

十月之交大夫刺幽王也

十月之交朔日辛卯日有食之亦孔之醜彼
月而微此日而微今此下民亦孔之哀○日
月告凶不用其行四國無政不用其良彼月

而食則維其常此日而食于何不臧○燁燁
震電不寧不令百川沸騰山冢峯崩高岸為
谷深谷為陵哀今之人胡潛莫懲○皇父卿
士番維司徒家伯維宰仲允膳夫聚子內史
蹶維趣馬楸維師氏豔妻燭方處○抑此皇
父豈曰不時胡為我作不即我謀徹我牆屋
田卒汗萊曰予不戕禮則然矣○皇父孔聖
作都于向擇三有事宣侯多藏不怒遺一老
俾守我王擇有車馬以居徂向○黽勉從事
不敢告勞無罪無辜讒口置置下民之孽匪

降自天噂沓背憎職競由人○悠悠我里亦
孔又痲四方有羨我獨居憂民莫不逸我獨
不敢休天命不徹我不敢傲我友自逸

十月之交八章

雨無正大夫刺幽王也雨自上下者也衆
多如雨而非所以為政也
浩浩昊天不駿其德降喪饑饉斬伐四國旻
天疾威弗慮弗圖舍彼有罪既伏其辜若此
無罪淪胥以鋪○周宗既滅靡所止戾正大
夫離居莫知我勸三事大夫莫肯夙夜邦君

諸侯莫肯朝夕庶曰武臧覆出為惡○如何
昊天辟言不信如彼行邁則靡所臻凡百君
子各敬爾身胡不相畏不畏于天○我成不
退飢成不遂曾我誓御憐憐日瘁凡百君子
莫肯用訊聽言則答譖言則退○哀哉不能
言匪舌是出維躬是瘁苟矣能言巧言如流
俛躬處休○維曰于仕孔棘且殆云不可使
得罪于天子亦云可使怨及朋友○謂爾遷
于玉都曰予未有室家鼠思泣血無言不疾
昔爾出居誰從作爾室

雨無正七章

小旻大夫刺幽王也

旻天疾威敷于下土謀猶回遘何日斯沮謀
臧不從不臧覆用我視謀猶亦孔之邛○滄
滄訛訛亦孔之哀謀之其臧則具是違謀之
不臧則具是依我視謀猶伊于胡底○我龜
既厭不我告猶謀夫孔多是用不集發言盈
庭誰敢執其咎如匪行邁謀是用不得于道
○哀哉為猶匪先民是程匪大猶是經維邇
言是聽維邇言是爭如彼築室于道謀是用

詩經

卷之三

不潰于成。○國雖靡止，或聖或否。民雖靡盬，
或哲或謀，或肅或艾。如彼泉流，無淪胥以敗。
○不敢暴虎，不敢馮河。人知其一，莫知其他。
戰戰兢兢，如臨深淵，如履薄冰。

小旻六章

小宛大夫刺幽王也

宛彼鳴鳩，翰飛戾天。我心憂傷，念昔先人。明
發不寐，有懷二人。○人之齊聖，飲酒溫克。彼
昏不知，壹醉日富。各敬爾儀，天命不又。○中
原有菽，庶民采之。螟蛉有子，蜾蠃負之。教誨

爾子，式穀似之。○題彼脊令，載飛載鳴。我日
斯邁而月斯征，夙興夜寐，無忝爾所生。○交
交桑扈，率場啄粟。哀我填寡，宜岸宜獄。握粟
出卜，自何能穀。○温温恭人，如集于木。惴惴
小心，如臨于谷。戰戰兢兢，如履薄冰。

小宛六章

小弁刺幽王也，太子之傅作焉。

弁彼鸞斯，歸飛提提。民莫不穀，我獨于罹。何
辜于天，我罪伊何。心之憂矣，云如之何。○蹶
蹶周道，鞠為茂艸。我心憂傷，惻焉如擣。假寐

永嘆維憂用老心之憂矣疾如疾首○維桑
 與梓必恭敬止靡瞻匪父靡依匪母不屬于
 毛不離于裏天之生我我辰安在○菀彼柳
 斯鳴蜩嘒嘒有漙者淵萑葦淠淠譬彼舟流
 不知所届心之憂矣不遑假寐○鹿斯之奔
 維足伎伎雉之朝雒尚求其雌譬彼壞木疾
 用無枝心之憂矣寧莫之知○相彼投兔尚
 或先之行有死人尚或墜之君子秉心維其
 忍之心之憂矣涕既隕之○君子信讒如或
 疇之君子不惠不舒究之伐木倚矣折薪地
 矣舍彼有罪予之佗矣○莫高匪山莫浚匪
 泉君子無易由言耳屬于垣無逝我梁無發
 我笱我躬不閱遑恤我後

小弁八章

巧言刺幽王也大夫傷於讒故作是詩也
 悠悠昊天曰父母且無罪無辜亂如此憮昊
 天已威予慎無罪昊天泰憮予慎無辜○亂
 之初生僭始既涵亂之又生君子信讒君子
 如怒亂庶遄沮君子如祉亂庶遄已○君子
 屢盟亂是用長君子信盜亂是用暴盜言孔

甘亂是用餒匪其止共維王之邛○奕奕寢
廟君子作之秩秩大猷聖人莫之他人有心
予忖度之躍躍鳧兔遇犬獲之○荏染柔木
君子樹之往來行言○心焉數之蛇蛇碩言出
自口矣巧言如簧顏之厚矣○彼何人斯居
河之麋無拳無勇職為亂階既微且燿爾勇
伊何為猶將多爾居徒幾何

巧言六章

何人斯蘇公刺暴公也暴公為王卿士而
譖蘇公焉故蘇公作是詩以絕之

彼何人斯其心孔艱胡逝我梁不入我門伊
誰云從維暴之云○二人從行誰為此禍胡
逝我梁不入唁我始者不如今云不我可○
彼何人斯胡逝我陳我聞其聲不見其身不
愧于人不畏于天○彼何人斯其為飄風胡
不自北胡不自南胡逝我梁祗攬我心○爾
之安行亦不違舍爾之亟行違脂爾車壹者
之來云何其盱○爾還而入我心易也還而
不入否難知也壹者之來俾我祗也○伯氏
吹壎仲氏吹篪及爾如貫諒不我知出此三

物以誑爾斯○為鬼為蜮則不可得有靦面目視人因極作此好歌以極反側

何人斯八章

巷伯刺幽王也。寺人傷於讒，故作是詩也。妻兮斐兮，成是貝錦。彼譖人者，亦已大甚。哆兮侈兮，成是南箕。彼譖人者，誰適與謀。緝緝翩翩，謀欲譖人。慎爾言也，謂爾不信。捷捷幡幡，謀欲譖言。豈不爾受，既其女遷。騎人好好，勞人呶呶。蒼天蒼天，視彼騎人。矜此勞人，彼譖人者，誰適與謀。取彼譖人，投

鼻豺虎。豺虎不食，投鼻有北。有北不受，投鼻有昊。○楊園之道，猗于畝丘。寺人孟子，作為此詩。凡百君子，敬而聽之。

巷伯七章

節南山之什十篇七十九章

谷風之什第二十

谷風刺幽王也。天下俗薄，朋友道絕焉。

習習谷風，維風及雨。將恐將懼，維予與女。將安將樂，女轉棄予。○習習谷風，維風及顙。將恐將懼，實予于懷。將安將樂，棄予如遺。○習

習谷風維山崔嵬無艸不死無木不萎忘我
大德思我小怨

谷風三章

蓼蓼者莪匪莪伊蒿哀哀父母生我劬勞
爾

○蓼蓼者莪匪莪伊蒿哀哀父母生我劬勞○
○蓼蓼者莪匪莪伊蒿哀哀父母生我勞瘁○
○餅之罄矣維壘之耻鮮民之生不如死之久
矣無父何怙無母何恃出則銜恤入則靡至
○父兮生我母兮鞠我拊我畜我長我育我

顧我復我出入腹我欲報之德昊天罔極○
○南山烈烈飄風發發民莫不穀我獨何害○
○南山律律飄風弗弗民莫不穀我獨不卒

蓼莪六章

大東刺亂也東國困於役而傷於財譚大
夫作是詩以告病焉

有饑簋殮有捋棘匕周道如砥其直如矢君
子所履小人所視瞻言顧之潛焉出涕○小
東大東杼柚其空糾糾葛屨可以履霜佻佻
公子行彼周行既往既來使我心疚○有列

沈泉無浸獲薪契契寤歎哀我憚人薪是獲
 薪尚可載也哀我憚人亦可息也○東人之
 子職勞不來西人之子絮絮衣服舟人之子
 熊羆是裘私人之子百僚是試○或以其酒
 不以其漿翰翰佩璲不以其長維天有漢監
 亦有光跂彼織女終日七襄○雖則七襄不
 成報章皖彼牽牛不以服箱東有啓明西有
 長庚有捄天畢載施之行○維南有箕不可
 以簸揚維北有斗不可以挹酒漿維南有箕
 載翕其舌維北有斗西柄之揭

大東七章

四月大夫刺幽王也在位貪殘下國構禍
 怨亂並興焉

四月維夏六月徂暑先祖匪人胡寧忍予○
 秋日淒淒百卉具腓亂離瘼矣爰其適歸○
 冬日烈烈飄風發發民莫不穀我獨何害○
 山有嘉卉侯栗侯梅廢為殘賊莫知其尤○
 相彼泉水載清載濁我日構禍曷云能穀○
 洺洺江漢南國之紀盡瘁以仕寧莫我有○
 匪鶉匪鳧翰飛戾天匪鱸匪鮪潛逃于淵○

韓徒
丸反

毛詩正文

中二

山有蕨薇。隰有杞楸。君子作歌。維以告哀。

四月八章

北山大夫刺幽王也。役使不均。已勞於從事。而不得養其父母焉。

陟彼北山。言采其杞。偕偕士子。朝夕從事。王事靡盬。憂我父母。○溥天之下。莫非王土。率土之濱。莫非王臣。大夫不均。我從事獨賢。○四牡彭彭。王事徇徇。嘉我未老。鮮我方將。旅力方剛。經營四方。○或燕燕居息。或盡瘁事國。或息偃在牀。或不已于行。○或不知叫號。

或慘慘劬勞。或棲遲偃仰。或王事鞅掌。○或湛樂飲酒。或慘慘畏咎。或出入風議。或靡事不為。

北山六章

無將大車。大夫悔將。小人也。

無將大車。祇自塵兮。無思百憂。祇自疢兮。○無將大車。維塵寘寘。無思百憂。不出于頰。○無將大車。維塵雍兮。無思百憂。祇自重兮。

無將大車三章

小明大夫悔仕於亂世也。

明明上天。照臨下土。我征徂西。至于允野。二月初吉。載離寒暑。心之憂矣。其毒太甚。念彼其人。涕零如雨。豈不懷歸。畏此罪罟。昔我往矣。日月方除。曷云其還。歲聿云暮。念我獨兮。我事孔庶。心之憂矣。憚我不暇。念彼其人。睊睊懷顧。豈不懷歸。畏此譴怒。昔我往矣。日月方奧。曷云其還。政事愈蹙。歲聿云莫。采蕭穫菽。心之憂矣。自詒伊戚。念彼其人。興言出宿。豈不懷歸。畏此反覆。嗟爾君子。無恒安處。靖共爾位。正直是與。神之聽之。式穀以

女○嗟爾君子。無恒安息。靖共爾位。好是正直。神之聽之。介爾景福。

小明五章

鼓鐘刺幽王也

鼓鐘將將。淮水湯湯。憂心且傷。淑人君子。懷允不忘。鼓鐘喈喈。淮水潛潛。憂心且悲。淑人君子。其德不回。鼓鐘伐鼗。淮有三洲。憂心且妯。淑人君子。其德不猶。鼓鐘欽欽。鼓瑟鼓琴。笙磬同音。以雅以南。以簫不僭。

鼓鐘四章

明明上天。照臨下土。我征徂西。至于芄野。二月初吉。載離寒暑。心之憂矣。其毒太甚。念彼其人。涕零如雨。豈不懷歸。畏此罪罟。昔我往矣。日月方除。曷云其還。歲聿云莫。念我獨兮。我事孔庶。心之憂矣。憚我不暇。念彼其人。惓惓懷顧。豈不懷歸。畏此譴怒。昔我往矣。日月方奧。曷云其還。政事愈蹙。歲聿云莫。采蕭穫菽。心之憂矣。自詒伊戚。念彼其人。興言出宿。豈不懷歸。畏此反覆。嗟爾君子。無恒安處。靖共爾位。正直是與。神之聽之。式穀以

女○嗟爾君子。無恒安息。靖共爾位。好是正直。神之聽之。介爾景福。

小明五章

鼓鐘刺幽王也

鼓鐘將將。淮水湯湯。憂心且傷。淑人君子。懷允不忘。鼓鐘喑喑。淮水潛潛。憂心且悲。淑人君子。其德不回。鼓鐘伐鼗。淮有三洲。憂心且妯。淑人君子。其德不猶。鼓鐘欽欽。鼓瑟鼓琴。笙磬同音。以雅以南。以簫不僭。

鼓鐘四章

楚茨刺幽王也政煩賦重田萊多荒饑饉
 降喪民卒流亡祭祀不饗故君子思古焉
 楚楚者茨言抽其棘自昔何為我藝黍稷我
 黍與與我稷翼翼我倉既盈我庾維億以為
 酒食以享以祀以妥以侑以介景福○濟濟
 蹌蹌絜爾牛羊以往烝嘗或剝或亨或肆或
 將祝祭于祐祀事孔明先祖是皇神保是饗
 孝孫有慶報以介福萬壽無疆○執爨踏踏
 為俎孔碩或燔或炙君婦莫莫為豆孔庶為
 賓為客獻疇交錯禮儀卒度笑語卒獲神保

是格報以介福萬壽攸酢○我孔熯矣式禮
 莫愆工祝致告徂賚孝孫苾苾芬苾祀神嗜飲
 食上爾百福如綏如式既齊既稷既匡既勑
 永錫爾極時萬時億○禮儀既備鐘鼓既戒
 孝孫徂位工祝致告神具醉止皇尸載起鼓
 鐘送尸神保聿歸諸宰君婦廢徹不遲諸父
 兄弟備言燕私○樂具入奏以綏後祿爾敬
 既將莫怨具慶既醉既飽小大稽首神嗜飲
 食使君壽考孔惠孔時維其盡之子子孫孫
 勿替引之

楚茨六章

信南山刺幽王也。不能修成王之業，疆理天下，以奉禹功，故君子思古焉。

信彼南山，維禹甸之。嘽嘽原隰，曾孫田之。我疆我理，南東其畝。○上天同雲，雨雪雰雰，益之以霡霂。既優既渥，既霑既足，生我百穀。○疆場翼翼，黍稷彧彧，曾孫之穡，以為酒食。粢我尸賓，壽考萬年。○中田有廬，疆場有瓜。是剝是蒞，獻之皇祖。曾孫壽考，受天之祜。○祭以清酒，從以騂牡，享于祖考。執其鸞刀，以啓

其毛，取其血膋。○是烝是享，苾苾芬芬。祀事孔明，先祖是皇。報以介福，萬壽無疆。

信南山六章

谷風之什十篇五十四章

甫田之什第二十一

甫田刺幽王也。君子傷今而思古焉。

倬彼甫田，歲取十千。我取其陳，食我農人。自古有年，今適南畝。或耘或耔，黍稷薿薿。攸介攸止，烝我髦士。○以我齊明，與我犧羊，以社以方。我田既臧，農夫之慶。琴瑟擊鼓，以御田

祖以祈甘雨以介我稷黍以穀我士女○曾
孫來止以其婦子饁彼南畝田畯至喜攘其
左右嘗其旨否禾易長畝終善且有曾孫不
怒農夫克敏○曾孫之稼如茨如梁曾孫之
庾如坻如京乃求千斯倉乃求萬斯箱黍稷
稻粱農夫之慶報以介福萬壽無疆

甫田四章

大田刺幽王也言矜寡不能自存焉

大田多稼既種既戒既備乃事以我覃耜俶
載南畝播厥百穀既庭且碩曾孫是若○既

方既皁既堅既好不稂不莠忒其螟螣及其
蠹賊無害我田穉田祖有神秉畀炎火○有
渰萋萋興雨祁祁雨我公田遂及我私彼有
不穫穉此有不斂穧彼有遺秉此有滯穗伊
寡婦之利○曾孫來止以其婦子饁彼南畝
田畯至喜來方禋祀以其騂黑與其黍稷以
享以祀以介景福

大田四章

瞻彼洛矣刺幽王也思古明王能爵命諸
侯賞善罰惡焉

瞻彼洛矣。維水泱泱。君子至止。福祿如茨如棘。韜有珌以作六師。○瞻彼洛矣。維水泱泱。君子至止。韉琫有珌。君子萬年保其家室。○瞻彼洛矣。維水泱泱。君子至止。福祿既同。君子萬年保其家邦。

瞻彼洛矣三章

裳裳者華。刺幽王也。古之仕者世祿。小人在位則讒諂並進。棄賢者之類。絕功臣之世焉。

裳裳者華。其葉湑兮。我覲之子。我心寫兮。我

心寫兮。是以有譽處兮。○裳裳者華。芸其黃矣。我覲之子。維其有章矣。維其有章矣。是以有慶矣。○裳裳者華。或黃或白。我覲之子。乘其四駱。乘其四駱。六轡沃若。○左之左之。君子宜之。右之右之。君子有之。維其有之。是以似之。

裳裳者華四章

桑扈刺幽王也。君臣上下。動無禮文焉。交交桑扈。有鶯其羽。君子樂胥。受天之祜。○交交桑扈。有鶯其領。君子樂胥。萬邦之屏。

之屏之翰百辟為憲不戢不難受福不那
兕觥其醕旨酒思柔彼交匪敖萬福來求

桑扈四章

鴛鴦刺幽王也思古明王交於萬物有道
自奉養有節焉

鴛鴦于飛畢之羅之君子萬年福祿宜之
鴛鴦在梁戢其左翼君子萬年宜其遐福
乘馬在廐摧之秣之君子萬年福祿艾之
乘馬在廐秣之摧之君子萬年福祿綏之
鴛鴦四章

頍弁諸公刺幽王也暴戾無親不能宴樂
同姓親睦九族孤危將凶故作是詩也

有頍者弁實維伊何爾酒既旨爾殽既嘉豈
伊異人兄弟匪他薦與女蘿施于松柏未見
君子憂心奕奕既見君子庶幾說懌有頍
者弁實維何期爾酒既旨爾殽既時豈伊異
人兄弟具來薦與女蘿施于松上未見君子
憂心怲怲既見君子庶幾有臧有頍者弁
實維在首爾酒既旨爾殽既阜豈伊異人兄
弟甥舅如彼雨雪先集維霰死喪無日無幾

相見樂酒。今夕君子維宴。

頌弁三章

車牽大夫刺幽王也。褒姒嫉妒無道並進。讒巧敗國德澤不加於民。周人思得賢女以配君子故作是詩也。

間關車之牽兮。思變季女逝兮。匪飢匪渴。德音來括。雖無好友。式燕且喜。○依彼平林。有集維鷓。辰彼碩女。令德來教。式燕且譽。好爾無射。○雖無旨酒。式飲庶幾。雖無嘉殽。式食庶幾。雖無德與女。式歌且舞。○陟彼高岡。析

其柞薪。析其柞薪。其葉湑兮。鮮我覯爾我心。寫兮。○高山仰止。景行行止。四牡騤騤。六轡如琴。覯爾新昏。以慰我心。

車牽五章

青蠅大夫刺幽王也。

營營青蠅止于樊。豈弟君子無信讒言。○營營青蠅止于棘。讒人罔極。交亂四國。○營營青蠅止于榛。讒人罔極。構我二人。

青蠅三章

賓之初筵。衛武公刺時也。幽王荒廢。蝶近

小人飲酒無度天下化之君臣上下沈酒
淫液武公既入而作是詩也

賓之初筵左右秩秩邊豆有楚穀核維旅酒
既和旨飲酒孔偕鐘鼓既設舉疇逸逸大侯
既抗弓矢斯張射夫既同獻爾發功發彼有
的以祈爾爵○籥舞笙鼓樂既和奏烝衎烈
祖以洽百禮百禮既至有壬有林錫爾純嘏
子孫其湛其湛曰樂各奏爾能賓載手仇室
人入又酌彼康爵以奏爾時○賓之初筵溫
溫其恭其未醉止威儀反反曰既醉止威儀

幡幡舍其坐遷屢舞僂僂其未醉止威儀抑
抑曰既醉止威儀忸忸是曰既醉不知其秩
○賓既醉止載號載嘷亂我邊豆屢舞僂僂
是曰既醉不知其郵側弁之俄屢舞僂僂既
醉而出並受其福醉而不出是謂伐德飲酒
孔嘉維其令儀○凡此飲酒或醉或否既立
之監或佐之史彼醉不臧不醉反耻式勿從
謂無俾太怠匪言勿言匪由勿語由醉之言
俾出童殺三爵不識矧敢多又

賓之初筵五章

甫田之什十篇三十九章

魚藻之什第二十二

魚藻刺幽王也言萬物失其性王居鎬京將不能以自樂故君子思古之武王焉

魚在在藻有頰其首王在在鎬豈樂飲酒

魚在在藻有莘其尾王在在鎬飲酒樂豈

魚在在藻依于其蒲王在在鎬有那其居

魚藻三章

采菽刺幽王也侮慢諸侯諸侯來朝不能錫命以禮數微會之而無信義君子見微

而思古焉

采菽采菽筐之筥之君子來朝何錫予之雖

無予之路車乘馬又何予之玄衮及黼

沸檻泉言采其芹君子來朝言觀其旂其旂

淠淠鸞聲嘒嘒載駟君子所屆

赤芾在股邪幅在下彼交匪紓天子所予樂只君

子天子命之樂只君子福祿申之

維柞之枝其葉蓬蓬樂只君子殿天子之邦樂只君

子萬福攸同乎乎左右亦是率從

汎汎揚舟紉纜維之樂只君子天子葵之樂只君子

福祿腕之優哉游哉亦是戾矣

采菽五章

角弓。父兄刺幽王也。不親九族而好讒佞。骨肉相怨。故作是詩也。

駢駢角弓。翩其反矣。兄弟昏姻無胥遠矣。爾之違矣。民胥然矣。爾之教矣。民胥傲矣。此令兄弟綽綽有裕。不令兄弟交相為虐。民之無良。相怨一方。受爵不讓。至于已斯。老馬反為駒。不顧其後。如食宜餽。如酌孔取。母教。猥升木。如塗塗附。君子有微猷。小

人與屬。雨雪漉漉。見見曰。消莫肯。下遺式。居婁驕。雨雪浮浮。見見曰。流如蠻。如髮。我是用憂。

角弓八章

菀柳刺幽王也。暴虐無親而刑罰不中。諸侯皆不欲朝言王者之不可朝事也。有菀者柳。不尚息焉。上帝甚蹈。無自暱焉。俾予靖之後。予極焉。有菀者柳。不尚愒焉。上帝甚蹈。無自瘵焉。俾予靖之後。予邁焉。有鳥高飛。亦傳于天。彼人之心。于何其臻。曷予

靖之居以凶矜

菀柳三章

都人士。周人刺衣服無常也。古者長民衣服不貳。從容有常。以齊其民。則民德歸。壹傷。今不復見古人也。

彼都人士。狐裘黃黃。其容不改。出言有章。行歸于周。萬民所望。○彼都人士。臺笠緇撮。彼君子。女綢直如髮。我不見兮。我心不說。○彼都人士。充耳琇實。彼君子。女謂之尹吉。我不見兮。我心菀結。○彼都人士。垂帶而厲。彼君子。女卷髮如蠆。我不見兮。言從之邁。○匪伊垂之。帶則有餘。匪伊卷之。髮則有旒。我不見兮。云何盱矣。

都人士五章

采綠刺怨曠也。幽王之時。多怨曠者也。終朝采綠。不盈一朶。予髮曲局。薄言歸沐。○終朝采藍。不盈一襜。五日為期。六日不詹。○之子于狩。言韞其弓。之子于釣。言綸之繩。○其釣維何。維魴及鱖。維魴及鱖。薄言觀者。

采綠四章

黍苗刺幽王也。不能膏潤天下。卿士不能
行。召伯之職焉。

芄芄黍苗。陰雨膏之。悠悠南行。召伯勞之。
我任我輦。我車我牛。我行既集。蓋云歸哉。
我徒我御。我師我旅。我行既集。蓋云歸處。
肅肅謝功。召伯營之。烈烈征師。召伯成之。
原隰既平。泉流既清。召伯有成。王心則寧。

黍苗五章

隰桑刺幽王也。小人在位。君子在野。思見
君子。盡心以事之。

隰桑有阿。其葉有難。既見君子。其樂如何。
隰桑有阿。其葉有沃。既見君子。云何不樂。
隰桑有阿。其葉有幽。既見君子。德音孔膠。
心乎愛矣。遐不謂矣。中心藏之。何日忘之。

隰桑四章

白華。周人刺幽后也。幽王取申女以為后。
又得褒姒而黜申后。故下國化之。以妾為
妻。以孽代宗。而王弗能治。周人為之作是
詩也。

白華菅兮。白茅束兮。之子之遠。俾我獨兮。

英英白雲露彼菅茅天步艱難之子不猶
 漈池北流浸彼稻田嘯歌傷懷令彼碩人
 樵彼桑薪印烘于煖維彼碩人實勞我心
 鼓鐘于宮聲聞于外念子惓惓視我邁邁
 有鷺在梁有鶴在林維彼碩人實勞我心
 鴛鴦在梁戢其左翼之子無良二三其德
 有扁斯石履之卑兮之子之遠俾我疢兮

白華八章

縣蠻微臣刺亂也大臣不用仁心遺忘微
 賤不肯飲食教載之故作是詩也

縣蠻黃鳥止于丘阿道之云遠我勞如何飲
 之食之教之誨之命彼後車謂之載之○縣
 蠻黃鳥止于丘隅豈敢憚行畏不能趨飲之
 食之教之誨之命彼後車謂之載之○縣蠻
 黃鳥止于丘側豈敢憚行畏不能極飲之食
 之教之誨之命彼後車謂之載之

縣蠻三章

瓠葉大夫刺幽王也上棄禮而不能行雖
 有牲牢饗餼不肯用也故思古之人不以
 微薄廢禮焉

毛詩正文
幡幡瓠葉采之亨之君子有酒酌言嘗之
有兔斯首炮之燔之君子有酒酌言獻之
有兔斯首燔之炙之君子有酒酌言酢之
有兔斯首燔之炮之君子有酒酌言醕之

瓠葉四章

漸漸之石下國刺幽王也戎狄叛之荆舒不至乃命將率東征役久病在外故作是詩也

漸漸之石維其高矣山川悠遠維其勞矣武人東征不皇朝矣○漸漸之石維其卒矣山

川悠遠曷其沒矣武人東征不皇出矣○有豕白蹄烝涉波矣月離于畢俾洿沔矣武人東征不皇他矣

漸漸之石三章

茗之華大夫閔時也幽王之時西戎東夷交侵中國師旅並起因之以饑饉君子閔周室之將亾傷己逢之故作是詩也
茗之華芸其黃矣心之憂矣維其傷矣○茗之華其葉青青知我如此不如無生○牂羊墳首三星在罍人可以食鮮可以飽

毛詩正文

卷之三

若之華三章


何艸不黃。下國刺幽王也。四夷交侵。中國
背叛。用兵不息。視民如禽獸。君子憂之。故
作是詩也。

何艸不黃。何日不行。何人不將。經營四方。
何艸不玄。何人不矜。哀我征夫。獨為匪民。
匪兇匪虎。率彼曠野。哀我征夫。朝夕不暇。
有芄者狐。率彼幽艸。有棧之車。行彼周道。

何艸不黃四章

魚藻之什十四篇六十二章

毛詩正



2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32

県立耐久高校所蔵 梧陵文庫 資料番号 和30-2-220-1